

23.08.2022

Kjære medlemmar,

Vel overstått sommarferie! Styret i BUF håper alle våre medlemmar har hatt eit godt avbrekk frå kvardagsrutinane!

I sommar er brosjyren om “Barnets første leveår” oversatt til engelsk og lagt ut på BUF si fysiside: <https://fysio.no/Forbundsforbidden/Organisasjon/Faggrupper/Barne-og-ungdomsfysioterapi> Det er bestilt oversetting til fleire språk, både av denne og av brosjyren om “Skjevt bakhode og favorittside”.

Til den som held seg oppdatert på kurskalenderen til NFF, vil de sjå at vi har lagt ut påmelding til digitalt haustwebinar **torsdag 3. november** med tema: «**Perspektiver på relasjonar i fysioterapi for barn og ungdom**». Stortinget har vedteke endringar om samarbeid, samordning og barnekoordinator i 14 velferdstjenestelover som tredde i kraft 1. august 2022 [Prop. 100 L \(2020–2021\) - regjeringen.no](https://www.regjeringen.no). Formålet med endringane er å få til bedre samarbeid og samordning, spesielt av tenester til barn og unge. Dette må barnefysioterapeutar ta aktivt del i, som viktige samarbeidspartnere rundt barn, unge og familiar. Av programmet ser de at fokus også er på korleis vi kan ivareta deltakarperspektivet hos barn og unge og å snakke med barn som pårørende.

Like før sommarferien vart det nyutvikla workshopbaserte kurset for erfarne fysioterapeutar lansert. Her vil det leggast til rette for at deltakarane får analysert eigne case og vurdert tiltak saman med andre. Metoden med videoanalyse er blant anna brukt ved vidareutdanning og master og er noko som deltakere seier er veldig nyttig og lærerikt. **Påmeldingsfristen er denne veka, så meld deg på snarast om du er interessert! Kurset går på Lillestrøm (sentralt til Gardermoen) frå 19-21. oktober!** <https://fysio.no/Forbundsforbidden/Kurs/Kurskalender/Workshop-om-tiltak-til-barn-og-ungdom>

Forrige årsmøte endra vi namnet på årsmøtekongressen. Det betyr at verdens første “**Kongress i barne- og ungdomsfysioterapi**” går av stabelen i **Bergen frå 15-17. mars 2023**. Årsmøtet vil bli avvikla der den 15. mars. Sett av datoane! Seminarkomiteen i Bergen er godt i gang og vi gleder oss til å sjå kva dei har å dele med oss frå Vestlandet!

Som gladnytt kan vi også melde om at helseminister Ingvild Kjerkol har takka ja til å møte oss frå NFF i samarbeid med Trondheim kommune 21. oktober! Ho bad om å bli invitert til å sjå kva som rører seg på ulike felt ved innspelsmøtet til opptrappingsplan for psykisk helse på mai. Vi er overbegeistra over at ho takka ja og over mulegheiten til å opplyse henne meir om korleis fysioterapeutar arbeider på ulike nivå. Ta kontakt om du har tiltak knytta til psykisk helse som fysioterapeutar er involverte i, og som du ønsker skal trekkast fram i møtet med helseministeren!

Styret minner ellers om å følge med på tidsskriftet, der det stadig blir lagt ut nytt stoff: <https://www.barneogungdomsfysioterapi.no>

På vegne av styret, Ingunn Skogseth-Stevens,

Leder i Faggruppen for barne- og ungdomsfysioterapi (BUF)